

Ўша куни эрталаб, талабалар байрами нишонланадиган куни болалар богчасида олдингидан фаркли бесаранжомлик ва жонланиш юз берди. Кўчалардан гурух-гурух бўлиб бошлангич ва ўрта мактабларнинг ўқувчилари марш айтиб ўтишар, хаммаси шахарнинг олис сайлгохларига йўл олишарди.

Энг катта тарбияланувчиси олти ёшда бўлган бу богча болаларини узокрок жойга элтиш бироз мушкуллиги туфайли хар йили улар байрамни кичкина оёқлари билан 20 дакикача йўл босиб бориладиган хушманзара сой бўйида нишонлашади.

Тайёргарлик жой-жойида. Богча турли-туман рангли кийимдаги жонли гуллар даласидек тўлиб-тошган. Ўгил болалар янги пойабзалларини артиб тозалашса, кизлар бир-бирининг сочларини тўгрилаб, бузилган ленталарини боглаб кўйишар, тугмаларини ўтказишарди. Бу пайтда олти ёшли бир кизалок тош зинага ўтириб, тўрт ёшли етим ўртогининг сўкилган кўйлагини тикишга уринар, бу эса албатта, кўрган одамнинг хайратига сабаб бўларди.

Нихоят тайёргарлик тугаб, кувнок болалар гурухи йўлга тушди. Кичкинтойлар бир кўлларида рангли пакетлар, ўйинчок ва егуликлар билан тўла саватларни кўтариб олишган, иккинчиси билан эса ўртоқларининг кўлларида махкам тутишганча йўлларида давом этишарди. Кўчада ортикча шовкин-сурон чикармаслик учун ўкитувчилар болаларга марш айттира бошлашди. Катта болалар коматларини бор кучи билан кўтариб, хурсандчиликдан ичига сигмай куйлашарди. Кичкиналар юришда кандай бўлса ашула айтишда хам шундай орқада колишар, натижада пала-партиш овозлар пайдо бўларди. Болалар кўчалардан ўтишаркан, деразалар очилиб аёллар бошларини чикарар, дўконлардаги сотувчилар нима бўлаётганини билиш учун кизикиб карашарди.

Болалар богчасининг хамма саёхатларида бўлгани каби бу гал хам сафнинг бошида гамсиз кичкиналар билан бирга илдамлашарди. Гамсиз сарик рангли кари ит. У болалар богчаси жойлашган махаллада яшайди. Гамсиз одамлардек тушуна олади. Лекин у баъзи одамларга караганда вафодоррок жонивор. Дайди юргани учунми, махалладагилар унга гамсиз деб ном кўйишган. Дархакикат, ростдан хам у жаъми итларнинг энг гамгини. Бунга бир неча йил аввал катта бахтсизликка учрагани сабаб бўлган.

Ўшанда у тўрт боласининг бирданига захарланиб, кўз ўнгида тўлгона-тўлгона ўлганидан каттик гамга ботганди. Ўлик болаларини ортиб олиб кетаётган машинанинг оркасидан анча олисгача чопиб бориб, бир хафта орқага кайтмаганди.

Ўшанда уни бирор жойда фалокатга учраб жон берганини тахмин килганлар хам бўлди. Бирок гамсиз девона ва ўйчан кўрингани билан жуда зийрак ит эди. У душманларини тез пайкаб олса-да, баъзан ўзини уларга ишониб захарли овкатларини еб, тузокларига тушадигандек кўрсатарди. Лекин бундай килмасди. Шу сабабли душманлари уни ўлдиришнинг иложини топишолмасди. Ўшанда у тез-тез кулокка чалинаётган совук гапларни чиппакка чикариб, бир хафтадан кейин яна махаллага кайтиб келганди. Аммо у энди бахтга карши кариб, гамгинлашиб колган, узун сарик туклари лойга буланиб,

яраланган оёқлари билан оксогланиб кадам ташларди.

Билмадим, ростми-ёлгон, махалладаги аёллар у хакидаги бир воқеани кўп гапиришарди. Ёамсиз болаларининг ўлимидан кейин яшашни истамаган эмиш... Вайронага айланган бинолар олдида турганча осмонга қараб ёлворгандек тўхтаб-тўхтаб улиган, болаларини захарлаган овқатдан унга ҳам беришларини сўраганмиш... Хатто бир марта захарланган экан-у, ўлмаган эмиш... Кўп азоб чекиб, анча пайт судралиб юргандан кейин яна оёққа туриб кетганмиш...

Ғамсиз болалари ўлгач махалладагилардан хафа бўлиб, болалар богчасининг орқасидаги вайронага жойлашиб олганди. У энди олдингидек кўчаларда айланиб юрмас, факат ахён-ахёнда богча дарвозасидан ийманиб ичкарига кириб болалар билан ўйнар, тушлик вақтида улардан ортган егуликларни ер эди.

Катталарга қараганда кўпроқ болаларга ишонарди. Кичиклардан ёмонлик кўрмаслигини билгани ва уларни ҳам ўлиб кетган кичкина жигарпоралари каби химоясиз эканини хис қилгани учунми, шундай қиларди.

Ўқитувчилар бу олтин рангли, ҳаммага махзун ва ўзгача меҳр билан қараб кўядиган, болаларнинг ҳар бир эркалиги-ю жабр-зулмига бардош берадиган қари, кўча итини қувишмас, уни химоя қилишарди. Шунинг учун болалар богчасининг қоровули ва ходимлари унга ғамхўрлик қилишарди. У кичкинтойларнинг энг севимли дўстига айланганди.

Болалар богчалари жамиятнинг кичиклаштирилган бир бўлагига ўхшайди. Бу ерда камбағаллик, оилага доғ тушиши каби сабаблар билан жамиятдан ажратиб қўйилган ёки турли хил ваз туфайли ёлғиз яшаш истагида уйдан қочган мурғак болалар ҳаёт кечирishaди. Ғамсиз богчанинг бир чеккасида болалар билан овунади. Мушдек юракларида айтиб бўлмайдиган дард-у ғамларини сиздириб яшаётган болалар унинг лой оёқларини қўлларида тутганча жонивор билан суҳбатлашарди.

Ғамсиз ҳам болаларга меҳрибонлик қиларди. Хатто бир марта унинг богчада югуриб йиқилган кичкинтойнинг яраланган тиззасини тили билан ялаётганини кўрган ўқитувчилар хайрон қолишганди.

Болалар тўдаси махалладан чиқиб ям-яшил далалардан ўтадиган тор сўкмок бўйлаб ҳаракатланар, ғамсиз ҳаммадан олдинда мағрур илдамларди. Лекин нимагадир бугун унинг кўзларида маъюс қайфият зоҳир эди.

Нихоят байрам ўтказиладиган жойга етиб боришди. Бу ер соя-салкин дарё соҳили бўлиб, сув остида силкинаётган яшил сувўтлари тепадан аниқ кўриниб турарди. Болаларнинг шовкин-суронидан ўтлоқдаги қушлар хурқиб ўқиб кетди. Ҳозир уларнинг хурсандчилик қиладиган пайти. Улар қичкириб-қувалашиб ҳар тарафга тарқалишар, баъзилар дарахтга тирмашиб чика бошлашса, баъзилар ўтлоқзорда юмалашиб ўйнарди. Кечкурун бўлишига ҳали анча вақт борлигини ҳисобга олмасдан бутун қуч ва шодликларини сарф қилишар, айримлари ул-бул егуликларини тановвул қилишни ҳам бошлаб юборишди.

Гамсиз бироз жонланиб болалар билан ўйнай бошлади. Лекин бирданига тўхтади. Бошини кўтариб аламли фарёд килди. Кейин аста-секин жимиб колди-ю, каттакон иккита тошнинг орасида тўлгона-тўлгона ётиб колди.

Ит касалланган эди. Буни дархол фахмлаган болалар унга овкат олиб бордилар. У овкатни емас, вакти-вакти билан инграб, тишларини гижирлатиб кўярди. Унинг изтиробли бокишларини ўқитувчилар ҳам кўришди.

— Якинлашманглар, болалар... Нима бўлгандаям бу хайвон, балки кутурган бўлиши мумкин, — дейишди катталар.

Болаларни тартибга келтира олишмагандан кейин ходимлардан бирини навбатчи килиб кўйишга мажбур бўлишди.

х х х

Олти-етти ёшлардаги киз ниманидир эслаб, бакира бошлади.

— Эй, вох, гамсизни захарлашди. Бугун эрталаб харид килгани бакколга боргандим. Бир чеккадаги ахлатлар олдида уни кўргандим. Бошка итлар билан бирга бир нималарни ейишарди. Менимча, ана шу аник захарли овкат эди...

Ўқитувчилар қари итнинг бундай эҳтиётсизлик қилишини кутишмаганди. Бирок кизчанинг айтганлари тўғри эди. Гамсиз захарланиб қийналадиган ҳамма итлар қаби тўлғониб-тўлғониб типирчиларди. Энди болаларнинг хурсандчилигидан асар ҳам колмади. Байрам ўтаётган ўтлокзор жим-жит бўлиб колди. Шу етмагандай, баъзи болалар йиглай бошлашди. Ҳамма қиладиган ишини унутгандай, паришон бўлиб колганди.

Гамсиз богчанинг кадрдон хайвони бўлиб колган бўлса-да, ўқитувчилар байрамни болаларга захар қилишни ишташмади.

— Болалар, кўркманглар! Сизлар билмайсизлар, гамсиз олдин ҳам бир неча марта захарланиб, кейин тузалиб кетганди. Унга ҳеч нарса бўлмайди, қани, ҳамма ўйинга! — деди ўқитувчилардан бири.

Кичкинтойларни қийинчилик билан тарката бошладилар. Кимдир йиглашда давом этар, яна кимдир катталарнинг сўзидан таскин олиб, Камсиз сабрли жонивор, унга ҳеч нарса қилмайди, дейишарди. Хатто кичкина ховучларини очиб, уни дуо қилганлар ҳам бўлди.

Болаларни гамсиздан узоклаштиришнинг иложи бўлмади ва ўқитувчилар бунинг бошка чорасини ўйлаб топишди. Улар байрам жойини икки-уч дақиқа олисликдаги бошка бир ерга кўчиришга қарор қилишди. Тўшанчилар, пакетлар йигиштирилиб, болалар гамсизни ёлғиз ташлаб кета бошлашди...

х х х

Болалар ўзаро келишиб олишдими, хар тўрт-беш дакикада бир ўқувчи йўқолиб колар ва улар хеч кимга билдирмай гамсизнинг ахволдан хабар олишарди. Бундан энг кичкина болалар хам хабардор бўлса-да, ўқитувчилардан сир тутишиб мик этишмасди.

Бир соат ўтиб, гамсиз жон таслим килаётгани хакидаги совук гап таркалди. Бечора ётиб олган тошлар орасидан чикиб, ачинарли ахволда типирчиларди. Фамсизнинг огзидан кон келаётгани учун юз-кўзи, оёклари кип-кизил тусга кирганди. Энди на буйрук, на дўк-пўписа болаларни итнинг олдига боришдан тўхтатиб кола оларди. Хамма болалар бирданига бакириб йиглаб чопа бошладилар... Ўқитувчилар зўрлик билан икки-учтасини кайтариб колишса, яна бошка саккиз-тўккизтаси кочиб кетишарди.

Бирок энди хеч ким итга якинлаша олмади. Чунки гамсизнинг типирчилаши кўркинчли тус олган эди. У ўзини кўярга жой тополмай типирчилар, оёклари билан хар тарафга тупрокни титкилар, конга бўялган огзини осмонга каратиб, тахдид килаётгандай тушунарсиз овозда гингширди. Бу хол бир муддат давом этгач, охири у сўнгги кучини тўплади. Ва ичини ёндираётган оловни пасайтириш учун дарё томонга югуриб кетди.

х х х

Худди шу пайтда дарё устидаги омонатгина тахта кўприк якинида, чамаси, беш ёшлардаги икки кизча ўйнаб юрарди. Улар итнинг чанг-тўзонга буланиб ўзлари томонга югуриб келаётганини кўриб, кўркиб кетишди. Кўприкдан нариги тарафга ўтиб олмокчи бўлишди-ю, азбаройи шошилганидан биттаси дарёга тушиб кетиб, жон холатда питирлай бошлади.

Фалокатни кўрган гамсиз дархол тўхтаб колди. Йўлини кўприк тарафга ўзгартириб чопди ва кизчанинг оркасидан сувга отилди. Огзи билан унинг кийимидан тишлаб саёзрок жойга олиб чикди. Ўқитувчилар етиб келгунича уни сув устида ушлаб турди.

Кейин сабри ва насибаси тугади чоги, аста оёклари остида сувга йикилди. Бир-икки марта шўнКиБ атрофдаги сувни харакатлантирди ва жони узилди. Бўшашиб колган танаси бир зайлдаги сув окимига бўйсуниб, аста-секин сохилдан узоклаша бошлади.

Исматулла ДЎСТМУРОДОВ таржимаси